

I. N. D. N. J. C.
ANALYSIS L. III. COD.

DE

JVRE
REIPVBLICÆ

LIB. XI.

QVAM

IN ALMA ARGENTORATENSI VNIVERSITATE

PRÆSIDE

*VIRO NOBILISSIMO, AMPLISSIMO,
EXCELLENTISSIMO*

DOMINO

GOTHOFREDO STÖSSERO, JC.

PANDECTARVM PROFESSORE CELEBER-

RIMO, DECANO JVRIDICI COLLEGII SPECTATISSIMO

PATRONO ET PRÆCEPTORE SVO VENERANDO

IN SOLEMNI AVDITORIO EXAMINANDAM

PROPONIT


JOANNES WILHELMVS MERTZ,
MOGVNTINVS.

D. XXIV. AVGVSTI HORIS LOCOQVE SOLITIS.

ARGENTORATI

LITERIS JOH. WILHFLMI TIDEMANNI.

cl^o 13c LXXL



REIPVBLICÆ
S. ROM. IM-
PERII

LVMINIBVS

ET

COLVMINIBVS

OPT. MAX.

EMINENTISSIMO ET
SERENISSIMO PRIN-
CIPi ET DOMINO
DOMINO

JOHANNI PHILIPPO
S. SEDIS MOGVNTINÆ
ARCHIEPISCOPO , SACRI
ROMANI IMPERII PER
GERMANIAM ARCHI-
CANCELLARIO


ET
ELECTORI
EPISCOPO WVRTZ-
BURGENSI,

ET
WORMATIENSI
FRANCIÆ ORIENTALIS
DVCI, &c. &c. &c.

ET
REVERENDISSIMO CELSISSI-
MOQUE PRINCIPI ET DOMINO
DOMINO
LOTHARIO FRIDE-
RICO,
EPISCOPO SPIRENSI,
COADJUTORI AC SVCCES-
SORI MOGVNTINO,
PRÆPOSITO WEISSEN-
BVRGENSI ET ODEN-
HEIMENSI
SACRI ROMANI IMPERII
PRINCIPI &c.&c.&c.

DOMINIS MEIS CLEMEN-
TISSIMIS DEVOTISSI-
MA OBSEQVIA.

EMINENTISSIME
PRINCEPS ELECTOR
ET
REVERENDISSIME PRIN-
CEPS COADIVTOR
PRINCIPES ET DOMINI
MEI CLEMENTISSIMI.

 I has pagellas dignas pu-
tarem quæ Vestris of-
ferrentur oculis, merito
aditu

aditu Vestro ceu ineptum & impudentem, arcerent me, qui Vobis sunt ab admisionibus. Sed longè alia est huius consilii ratio. Quis enim miretur, si homo qui se Vobis natum meminit, qui Vobis viuere & seruire, vnâ voti & fati sui legem agnoscit, Veneranda omnibus sæculis nomina Vestra, semper in animo, semper in lingua habet, & à sacro Vestro ore spiritum suum pendere cupit? Hæc quam cum ipsa vitali aura hausi, quam institutione ac disciplina meditari ac firmare studui, pietas nec DEO ingrata, nec qui DEI vices in terris gerunt, magnis Principibus solet asper-

aspernabilis videri. Et sane de
JVRE REIPVBLICÆ,
mihi Justiniano nouo commen-
tanti animus sponte altius erigi
cœpit, ut ad Nobiliores & excel-
lentes pro republica Regnatri-
ce curas, quibus animi Vestri
continenter occupantur, respice-
rem, & quæcunque Augustissi-
mo Imperatori, & Imperio pro-
futura destinatis consilia, bene
feliciterque euenire, optarem.
Non decebat disiungi nomina,
quæ in Ecclesiæ ac Imperii salu-
tem DEVS & homines Diuino
ductu gubernati, & vota Reipu-
blicæ, qua nulla est in toto orbe
augustior, coniunxerunt, & ne-
cessi-

cesitudine priuatis modulis in-
enarrabili colligarunt. Hoc est
ipsum publicum Prudentiæ &
virtutis Vestræ summæ testimo-
nium; quod coniungi, quod una
conspici, vna coli, volupe Vobis
est. Sed mihi aliud nihil est propo-
situm, quam supplicare EMI-
NENTIÆ ET CELSITV-
DINI VESTRÆ, ut ignosce-
re velitis, quod pietatis Vobis
deuotissimæ impetus non potui
continere quin erumperent, &
in publica vota redundarent.
Deus firmet Rempubicam, id
est, Vos duo columina Reipu-
blicæ, sufficiat. Deus illustret
Rempubicam, id est, Deus Vos,

bina sidera lucere faciat ab oriente in occidentem, ab annis ad annos, donec cœlum stellis splende-
bit, mundus virtutibus ornabitur,
fama meritorum prædicatione
personabit. DEVS Vos conser-
uet, EMINENTISSIME ET
REVERENDISSIME
PRINCIPES, Imperio, terris
ditionis Vestræ, & mihi clien-
tum & seruorum

EMINENTIÆ ET
CELSITVDINIS
VESTRÆ

minimo subjectissimog

Joanni Wilhelmo Mertz
Moguntino.



I. N. D. N. J. C.
ANALYSIS LEGIS III. COD.
DE
JVRE
REIPVBLICÆ

LIB. XI.

TEXTVS.

IMPERATOR ALEXANDER A.
SALVININO.

Empublicam, vt pupil- *Verba Legis*
lam, extra ordinem iuuari,
moris est.

EXPLICATIO VERBORVM.

Alexander Imperator] intelligitur sine dubio hic
Alexander Seuerus Mammææ filius, inter bonos *Verborum*
legislatores & diligentes habitus: cuius vitam *Explicatio*
Lampridius
& *Herodianus* aliique tradidere. Factus est Imperator
A.C. 222. Occisus 235. Tempus rescripti præcisè acce-
ptum, ex historia reperiri nequit.

Augusti cognomen ex merito partum, hic quoque loco & causâ solenni apparet.

De Saluinino, cui rescripsit Imperator, mihi nihil compertum. *Cujacius* in comment. ad h. l. pro *Saluinino* reposuit *Saturninum*.

Sed nobis non tam quis & cui rescripserit, quam sententia Rescripti cordi esse debet.

Igitur locogeneralium verba legis explicabimus.

Rempublicam] intellige non Romanorum, secundum quosdam, sed verius aliarum ciuitatum. *Perezius* ex serie titulorum ostendit: *Antecessit*, inquiens, *de iuribus & Privilegiis utriusque Romæ & Alexandria ciuitatis*, sequitur *de iuribus aliarum ciuitatum*, nam *Respublica* hic de ciuitate accipitur. Quid harent hic interpretes? ait *Cujacius*: *Respublica* quamlibet ciuitatem significat. Quo sensu etiam toto hoc titulo accipitur vox *Reipublicæ*. Accedit quod de ea restitutione sermo est, quæ fit per iudicem aut Principem: siue de ea, in qua restituens superior intelligitur. Igitur non potest propriè intelligi *Respublica* in excellenti illo significato sumpta, quo neminem recognoscit superiorem. Vnde nec talis *Respublica* restitui potest aduersus Principem *L. ult. C. qui & aduersus quos*. imò talis *Respublica* implorat auxilium *L. 4. C. quib. ex caus. maj.* At *Respublica* *suborū* non implorat auxilium superioris, quem neminem agnoscit. Quid *Respublica* hic notet, Vid. *D. Ioann. Mauricius de restitut. in integr. Cap. 417.* quid juris sit in villis & castris, an hæc Jure *Reip.* vel minorum habenda, quærit & post multa & varia allegata, adhibita distinctione decidit *Sichard. ad C. l. 4. quib. ex caus. maj.*

Subauditur autem hic, *læsam, circumuentam*. Non enim restituitur, nisi qui læsus & circumuentus est, Vocibus

cibus his liberalius sumptis. Potest enim aliquis lædi à se ipso, dum ἐμποδίσματα plenæ voluntatis varia obijci possunt. Non autem semper enormem læsionem requiri, sed restitutioni locum esse, etiam ubi modicum damnum minor subierit, pro qualitate personæ & negotii, tenent *Rebuffus gloss. 2. Tom. 3. Tractatum de restit. in integ.* & *Gabriel Madaus ad L. minoribus C. in quib. Caus. rest. ibid. p. 70.* Contrarium tenet *Ioann. Petr. de Ferraris ibid. p. 201.*

Extra ordinem iuvare] id est restitui in integrum. dicitur in *L. 8. D. de minor. Auxilium, opitulatio, L. 1. pr. L. 3. §. 4. & auxilium extraordinarium L. 16. pr. D. cod. Succurri etiam dicitur restituendis L. 108. D. de R. I.* Est enim restitutio in integrum *remedium extraordinarium*, quo prator aequitatem naturalem secutus, homines vel lapsos, vel circumscriptos, siue metu, calliditate, siue etate, siue absentia, siue minima status mutatione, siue alienatione iudicij mutandi causa facta, siue justo errore, aut alia iusta causa inciderint in læsionem, in eum statum, in quo ante læsionem erant, causa cognita reponit. Quam descriptionem ex ipsi legislibus extruxit *Nucleus Amplissimi Bicej Lib. 4. pr. definit & explicat definitionem fusè D. Ioann. Mauricius de Rest. in integ. c. 1. & Franciscus de Caldas in comment. analyt. ad L. si curatorem C. de in integ. rest.* Extraordinarium remedium vocari nonnulli statuerunt, ideo quod juri communi & æquitati contraireretur: sed refutantur à *Ioanne Mauricio cap. 2. Sfortia Oddo part. 1. Q. 1. Art. 14. Franciscus de Caldas, in comment. analyt. in L. si curatorem C. de in integ. rest. minor. verbo implorare in integ. restitut. n. 8. tractatum de in integ. Rest. Tom. 4.*

Moris est] id est juris consuetudine introducti:

Habemus sensum legis: *Civitates vel Respublicas ex laesione restitui in integrum ut minores.* Rationem legis duplicem affert laudatus modo Dn. Neuenhan: 1. quia in Republica multi inveniantur pupilli & minores, quibus restitutio in integrum competat. 2. quia Republica administratores habeat, qui loco tutorum & curatorum sint. Ratio prior remotior videtur, nec satis validæ consequentiæ, si dicas, cujus pars aliqua restituitur, illud totum quoque restituitur.

Progredimur nunc ad specialia, & casum ponamus: & quem potius, quam illum ex *Glossâ Viniani: ad L. 4. Cod. quib. ex caus. maj. Procurator Reipublicæ civitatis Roma contraxit & deceptus est, an Republica restitui possit, quæritur: R. quod sic. exemplo minoris, cui potest comparari Respublica.*

Rationes dubitandi non leves adferri possunt. I. quia tres restitutionum causa, nempe vis metusque, lubricum ætatis, error (V. Iacob Gothofred ad l. 116. comment. ad R. l.) non æquè videntur cadere posse in Rempublicam ut in minores. Certe tales casus in legibus vix spectantur. Et quando procurator in contrahendo deceptus est, non ipsa Respublica erravit. Ita si Syndicus Reipublicæ in jus vocatus ab initio quidem defensioni interfuerit, postea autem causam deseruerit, nec vis, nec error intercessisse videri potest. Lubricum autem ætatis de Republicâ dici nequit.

II. Civitati seu Reipublicæ, etiamsi detur restitutio, obstat tamen exceptio SCti Macedoniani l. 15. D. ad SC. Maced. quæ minori non obstat. l. 11 §. 7. de min.

III. Reipublicæ non conceditur restitutio adversus fiscum, quæ tamen minori conceditur. l. 45 §. fin. D. de Iure fisci.

IV. Pu-

IV. Pupillo non currit præscriptio *l. fin C. quib. ex caus. Reipublicæ currit, l. 4. C. de præscript. 30. vel 40. annor.*

V. Minori datur majus tempus. *l. 7. C. de temp. rest. quàm Reipublicæ Clem. 1. de restitut. in integrum.*

VI. Minores habent tacitam hypothecam in bonis curatorum. *l. 20. C. de administr. Tut. l. un. §. 1. C. de rei uxor. act. ciuitas non habet in bonis administratorum l. 2. C. de iure Reip. nisi ex speciali priuilegio*

VII. Sunt qui Reipub. restitutionem in contractibus simpliciter denegant. *V. Treutlerum Diss. II. thes. 8. in fin.*

VIII. Colliguntur & alia in quibus Respublica plus iuari solet quam pupillus, vt comparatio ista non æquis pedibus currere videatur.

IX. Posset & inde argui hæc ratio legis quod Respub. iure minorum utatur, quia non minores tantum, sed maiores quoque in integrum restituantur *l. 3. C. quib. ex caus. maj.* plures dubitandi rationes, subjunctis refutationibus proponit *Sichard. ad Cod. l. 4. quib. ex caus. major.*

Rationes decidendi.

Pro *Rationibus decidendi* valere possunt sequentia.
 I. Qui ex æquo sæpius & facilius per eos quorum opera utuntur, lædi solent, illis *τολμω* idem remedium attribuitur. Sicuti autem minorum fragile & infirmum consilium & multis captionibus suppositum, multorum insidiis expositum est, qui propterea extra ordinem iuantur *pr. D. de minor.* ita Rempublicam, administratorum & Syndicorum, quibus sua committit negotia, culpa sæpè desertam aut circumscriptam esse, vel casus legum

legum in D & C. ubi de ciuitatum administratoribus & negotiorum gestoribus agitur, abundè testantur, quæ res ex pari æquitatis fundamento parem legislationem

II. Jus minorum, ut in *l. 4. C. ex quib. caus. maj. appellatur*, est jus fauorabile. Fauores autem, quo ad plures porriguntur, eo plus rationis videntur habere. Vnde summa ratio est, quæ pro Republica facit, & pro iure Reipublicæ, supremæ quidem potissimum, à qua in subditos sparguntur fauoris publici radii. Facit huc grauiissima Imperatoris sententia *Nouella de mandatis Principum XVII. c. 1. sicut priuatos iniustitiam passos adiuuamus, ita & publicum illesum manere volumus.*

III. Quapropter in pluribus rebus apud minores ad rem publicam deducta est juris ratio. e.g. sicuti debitor pupilli non accedit ad tutelam *Auth. minoris debitor. C. qui dari tutores possunt.* ita nec debitor Reipublicæ ad administrationem aut honores admittitur. *l. 6. §. 1. D. de munerib. & honor. l. 1. C. de debitor. ciuis.* Sicut tutor tutelam gerere cogitur. *l. 1. D. de adm. tut.* sic in Republica cogitur quis munus inunctum gerere. *l. 9. D. de mun. & hon. l. 18. C. de decurion. lib. 10.* Minores & Reipublicæ administratores de non liquido transigere possunt. *l. 56. §. 4. D. de furt. l. 12. C. de Transact.* sententia contra minores & Rem publicam indefensos nulla est, *l. 1. C. de iure Reip. lib. XI. l. 6. C. quomodo & quando Iudex.* præscriptio quinquennii contra statum defuncti utrique currit. *l. 6. C. ne de statu defunct. utrique edictum ædilitium datur. l. 1. §. 3. 4. 5. D. de adil. edict.*

Nec valide obstant quæ ante sunt allata. Ad I Respondetur enim possis dicere, non enumerari omnes causas resti- ad rationes
B tutio. dubitandi.

tutionum, sed præcipuas à *Gothofredo*. Neque rectè ista verba exclusivè accipi. Deinde cur non possit Syndico aut procuratori Reipublicæ metus injici, aut vis inferri, non videmus. Quamvis enim rarioris generis sit casus, pro impossibili tamen haberi nequit. De cetero res est etiam manifestior. Quamvis enim non præsumatur Respublica tam facile labi, tamen, si de læsione constat, quod hic semper intelligitur, frustra de colloquimur, quod præsumatur aut non præsumatur. Ita habemus rem definitam in simillimo casu, ubi is, qui se minorem annis læsum esse dicit, diligens paterfamilias fuerit actibusq; publicis industrium se docuerit, ut lapsus eum per atatem verisimile non sit: rescribit Imperator: *Verum si causâ cognitâ circumventus deprehendatur, à solito auxilio removeri non debet. l. 1. C. qui & advers. quos in integr. rest. non poss.* Casum *Uinianus* disertè format: si minor in contractu, quem facit, dicat se læsum, & velit restitui, adversarius autem dicat, non esse verisimile eum deceptum esse, cum fuerit sapiens, industrius, & publicis actibus interfuerit: iudex ista considerare debet, ut sic concedat, vel denegat restitutionem in integrum, cum causa tamen talis non sufficiat, ut prorsus non restituatur. Sed si appareat eum evidenter esse læsum & circumventum, restituatur non obstante exceptione tali.

Quæ loco 2. 3. 4. 5. 6. opposita sunt, nihil officunt veritati legis siue comparationi minorum cum Republicâ. Comparatio est enim non omnimoda, aut per omnia juris de utrisque constituti capita extendenda: sed in certis tantum punctis. de cetero partim minus juuatur Respublica, partim plus juuatur, quam minores. quod singillatim ostenditur, *Exercit. 2. de Iure Reip. pars. 2. l. P. Fritsch. à thes. 34. usq; ad 41.*

Ad 7. Videmus *Trenilers* sententiam singularem esse, & aliorum contra sentientium autoritate obrui. Videatur *laudata modo Exercitatio thes.* 121. & *seqq.*

Valent paulo ante dicta etiam aduersus 8. objectionem.

Nona (9.) etiam nihil habet roboris. restitutio in integrum, ius minorum dicitur siue in comparatione etiam Reipublicæ ad minores & pupillos refertur, ex præcipua quadam destinatione legislatoris & iudicis: ita ut in ipso nomine *minorum*, ratio æquitatis naturalis se conspiciendam & exaudiendam præbeat. Licet ergo ad maiores quoque ex certis causis restituendos hoc auxilium productum sit, a peritior tamen ratio consuetudinem loquendi & comparandi ad ius minorum traxit. Atque hæc hactenus paucis repetita, & ab aliis copiosius pertractata sunt.

PARS SECUNDA.

I.

Nunc videndum est, an etiam *Respublica* neminem agnoscens superiorem, aut *Rex*, aut *populus liber*, atrociter laesi, restitui in integrum possint. Quo legem nostram Dd. non pauci producant. Et *Ludouicus Molina* de contrahibus tract. 2. disput. 574. §. 4. *Respublica*, inquit, instar minoris gaudet privilegio restitutionis in integrum, & eadem ratione Princeps non recognoscens superiorem, quod ad bona corona & fisci, quæ reputantur Reipublicæ bona, & vere sunt bona ejus Reipublicæ, quæ non est Monarchia, quæ unico Principi seu capite regatur. Secus autem res habet de bonis supremi Principis, quæ non possidet quatenus Princeps: & ut bona Reipublicæ, sed perinde ac ceteri privati sua bona possident.

II.

Vtimur autem & hic autoritate eorum qui ita sentiunt: non quod ex *l. 3. C. de Iure Reip. Lib. XI.* aut textibus Juris ciuilibus parallelis Princeps aut Respublica libera in integrum restitui possit: id enim actioni & Iudicio in Jure Justiniano descriptis non est consentaneum. Sed existimamus concedendum hoc prudentibus, ut statuant, ad exemplum quo Respublica, Romanæ Reipublicæ subdita, restituitur, suo quoque modo restitui ipsam Romanam Rempublicam, siue Imperatorem Romanum, Regem aut populum liberum. In qua quidem comparatione magna versatur de cætero diuersitas: æqualitate in hoc tantum incumbente, vt sicut minores reponuntur in eum statum quo ante læsionem erant, ita Princeps aut populus circumuentus læsue redeant in eum statum, quasi nihil, quo læsi sint, accidisset.

III.

Vnde nec apud Prætorem & Magistratum nec apud iudicem, quem Reges & populi liberi nullum habent, fit hæc restitutio, sed ipse Princeps, ipsa se Respublica restituit.

IV.

Vt credatur autem hoc fieri posse remouenda est maxima dubitatio, quam nobis objicit communis Jurisconsultorum sententia, quod *Restitutio in integrum sit factus juris ciuilibus*. Controuersia autem Regum & liberorum populorum, nullum communem iudicem habentium, non tam jure ciuili, quam jure naturæ & gentium reguntur, aut, quia sic quoque non semper factis ex voto applicari hæc jura, aut arbitrari sententia ad effectum deduci possunt, armis disceptantur. Atque hac
ratione

ratione contra Bodinum utitur *Hug. Grotius de I. B. l. 2. c. 14. §. 1.*

V.

Est interim sine dubio verior sententia altera, quæ restitutionem in integrum non juris modo ciuilib sed etiam *iuris naturalis* esse statuit. in quo genere sæpè dissentiunt scriptores. Ita e.g. præscriptionem Jure tantum ciuili niti, communis; Jure naturæ eam fundari, verior sententia est. Et de restitutione in integrum quidem non fuerit arduum probare quod diximus. I. enim in ciuilib quoque juris restitutionibus in integrum *Ulpianus* ait, *prætorem sequi æquitatem naturalem* L. 1. D. de min. Si ergo in priuatis & minoribus inter priuatos rebus æquitas naturalis parit jus ciuile de hoc auxilio extraordinario: Cur non valeat siue juris vim obtineat in maioribus publicisque Regum populorumque negotiis, quo jus ciuile pertingere non potest? II. Non Prætor tantum in Jure ciuili dixit, *quod vi metusue causa gestum erit, ratum non habebo* l. 1. D. quod met. caus. Sed ante prætorem ipsius naturæ hæc vox erat, quæ per vim metumque gesta, rata esse vetabat, eademque opera restitui hoc pacto læsum volebat. Ita dolum & cetera, quæ restitutioni causam præbent, natura ultro damnat. III. non quidem extendi hoc cupimus ad omnes casus causasque, ubi Jus ciuile restitutionis auxilium expedire potest: sed ad omnia negotia & læsiones, ubi læsum restitui euidentis æquitas postulat. Huic enim parere vitam socialem gentium & populorum, verum est. IV. Si jure naturæ ipso actus irriti reddantur, quibus error & circumuentio originem dedit, sequitur quod restitutionem in integrum etiam natura præcipiat.

VI.

Quare Bodinus de Repub. lib. 1. cap. 8. statuit ex iisdem causis quibus priuatus ac subditus quisque in integrum, si capti sint, Principem posse restitui siue aliena fraude ac dolo, siue errore siue metu circumuentus est, non tantum in iis qua ad iura Majestatis imminuta, sed etiam in iis qua ad priuata commoda, rationesque domesticas attinent. sicut enim sibi potest ipsi jus dicere Princeps, ita & restituere seipsum potest. Ita in terminis Sfortias Oddus part. 1. quest. 3. artic. 14. Tom. 2. Tractatum de in integrum restitutionibus.

VII.

In hac Bodini sententia recipienda illud nolim admittere, quod ex omnibus causis, quibus priuati restitui possunt, etiam Princeps restituere se possit. Ciuilis enim lex ex arbitrio legislatoris & certis causis specialibus restitutionem decernere potest liberalius. At in Principum causis euidens & manifesta æquitas spectatur. Quapropter etiam læsio atrox extra omne dubium constituta esse debet, ut huic remedio locus sit: & si fieri potest, Principi suadendum est, ut peritorum iudicium audiat, qui nullo ipsi sacramento obligantur, modo quo fieri potest tutissimo: tum ut famæ suæ studiosissime rationem habeat, ne calliditate potius & iniustitiâ, quam extraordinario & necessario jure usus esse videatur.

VIII.

In hac quæstione autem ita incedunt, ut hanc regulam ponant: in quibus Princeps decessor se restituere, reuocatis in irritum, quæ fecerat, potest: in iis etiam successor, ad quem læsio facti decessoris contracta pertinet, se & Rempublicam restituere potest.

IX. In

IX.

In donationum immodicarum, unde Respublica lædatur, exemplo plerique consentiunt. Videri possunt excerpta apud Arnisaum de jure Maj. lib. 1. cap. 7. §. 7. & Gratium de Jur. B. 2. 14. 12. in Not. In Galliis anno 1360. in principio regiminis Caroli IX. Regis ordines rogati sunt voce Cancellarij Hospitalij, ut dissoluendi aris alieni à superioribus Regibus contracti ratio inter eos iniretur; hoc addito, minime recusare Regem, & circa eum proceres, quin si compariatur nimis donationibus & immensis largitionibus exhaustum ararium, ad earum restitutionem, qui acceperunt compellantur. apud Thuan. l. 27. p. 12. Anno 1480, Toleti in Hispania generales conuentus agitati omnino frequentes. Voces libera fuerunt & plenæ expostulationum: nobles in tenuiorum fortunas grassari populi conquerebantur, eorum auaritia regum ararium exhaustum, occupata vectigalia, imperari noua indies, magnâ Prouincia calamitate. Dati in causa iudices, ab Henrico Rege factas imprudenter donationes aut temporum necessitate extortas, iniustus fore pronuntiarunt. apud Io. Marianam Hist. Hisp. Lib. 24. c. 21.

X.

Allata exempla ad donationes potissimum pertinent. ad quas Principes possunt induci deceptoriiis persuasionibus, ita ut maximo ipsi denique damno afficiantur, & status Reipublicæ periclitetur. Text. elegans in L. 1. C. de petit. bonor. sublat. lib. X. ibi. quoniam plerunque ita in nonnullis causis inuerecunda petentium inhiatione constringimur, ut etiam non concedenda tribuamus, nec Rescripto quidem nostro aduersus formam lata legis, loci aliquid relinquatur: Quo casu absurdum non est, restitui Principem à seipso & reuocari ad irritum, quibus non subest ra-

tio. Imo Jure constitutum est, ut Rescripta etiam Imperatoria contra Jus elicita, ab omnibus Judicibus refutentur. *L. Rescripta. 7. C. de precib. Imperat. offerend.* Quæ contra Jus vel utilitatem publicam postulata impetrata sunt, non effectum tantum careant sed & teueritate digna puniantur. *l. 5. & t. t. C. si contra ius vel. utilitat. publ.* Certè successores non teneri aut obligari in detrimentum Reipublicæ irreparabile; verius est. Ostendit hoc multis auctorum testimoniis *Vasquius in controuersus illustribus L. 1. cap. 4. §. 1. & 4.* quam sententiam eo producit, ut contra DD. communem sententiam, ne Ecclesiæ quidem donari, concedi, alienari à Principe regnorum suorum bona cum magna regni læsione posse statuat *Cont. Illust. L. 1 c. 6. §. 24.* sed quo minus ad extremum & extraordinarium hoc remedium decurratur, quin immemorialis temporis intercessu impediri queat, vix dubitari potest. vid. *Auth. quas actiones C. de Eccles.* Cumque Principibus cuncta rerum ad famam dirigenda sint, temperamentis quibusdam facile via aperiatur. e. g. si non omnia donata repetantur, sed pars siue maior siue minor, prout necessitas reipublicæ efflagitauerit: si illis, qui donatis exuuntur, alii fauores Reipublicæ innoxii, quasi in vicem conceduntur: & si quæ hujus generis solatia excogitari possunt.

XI.

De Priuilegiis ejusdem generis disputatio est. Ponamus casum. A Principe sub & obreptitiè tot priuilegia immunitatis, à tributis & vectigalibus aliisque exactionibus, fuerint emendicata, ut fiscus & ærarium tandem nec statui Principis sustinendo, nec erogationibus publicis necessariis sufficiant. Hic quia & læsio Reipublicæ

blicæ siue regni est enormissima & casus necessitatis euidentissimus, & immunitates aduersus casum insolitum & necessitatem non validè allegantur (*V. Gail. lib. 2. obseruat. 52. §. 27. & seqq.*) Videtur Princeps in eum statum redire in quo ante læsionem erat, dictante huius juris rationem salute Reipublicæ quæ suprema lex est, cuius nutu etiam temperamenta regi debent. Nam & ea, quæ ex causa onerosa, aut ob benè merita concessa dicuntur, non statim hoc nomine æstimari fas est, cum neque hæc desinant esse gratuita, & illa sæpè titulo lucratiuo censeantur, quæ oneris nomine allegantur. qua de re nobilis est disputatio in *Francisci Kinschorii Responso XX XV 111. immunitas à vectigalibus an & qualiter vi priuilegij & concessionis principalis acquiri possit?*

XII.

Facilior erit hic casus: Si Princeps exteris concesserit priuilegia præsertim in commerciis & negotiationibus, quæ priuilegia postea incipiant ciuibus & regnicolis, totique regnò damnosa fieri. Restitutus videbitur Princeps in statum quo fuit ante concessa illa priuilegia. Ita *Albericus Gentilis* de suis temporibus contendit, de *jure belli* L. 3. c. 16. non fieri *transactio* ciuitatibus injuriam, si, quæ illis tributa sunt priuilegia ab *Anglis Regibus*, nunc imminuantur. Cum nec vinci possint oneroso prorsus concessa titulo, & in grauissimum ipsorum *Anglorum mercatorum* exeat damnum adeoq; & in iniquitatem: dum exteris meliori facerent conditione quam suos: addenda sunt cetera

nem in eo constituebant, ut Reipublicæ læsionem vel præueniri vel emendari, quo licet modo, fas esse ducant. Hinc animose & citra hæsitationem decernunt: *Omnes contractus cum Principe intelliguntur admittere interpretationem bonæ fidei, neg.* Princeps tenetur ex suo contractu, quando ex justa causa contractus cedit in publicum detrimentum. Princeps contractui celebrato, in causa respiciente statum suum, non tenetur, si in præjudicium & detrimentum subditorum vergat. omnis conuentio quantumvis iurata intelligitur, rebus in eodem statu permanentibus non autem illis mutatis: Fortius obligatur Princeps Reipublica quàm propria promissioni. apud Camden. part. 4. ann. 1595. p. 650.

XIV.

An & quomodo Principes vel Respublica libera ex contractibus cum subditis initis teneantur & obligentur? Interpretes ut plurimum volunt Principem ex contractu cum subditis inito, Jure tantum naturali seu gentium ex consensu obligari, arg. l. cum amplius 84. §. 1. D. de R. I. junct. L. Stichum 95. §. 4. D. de solut. & Liber. Non vero ciuilititer, cum ciuilibus præceptis Princeps censetur esse solutus, ut videre est apud Abbat. Felin. & Dec. in cap. 1. X. de probat. Sed Molin. in addit. ad Des. in d. cap. 1. & Bald. ad L. 31. D. de L. L. existimant, Principes vel Resp. liberas non solum naturaliter sed etiam ciuilititer & efficaciter ex contractu cum subditis inito obligari, ne alias omni commercio eximantur. exempl. L. quod si minor. 24. §. 1. D. de minor. Cui accedit quod contractus consent arithmetica proportionem, quæ in computatione commerciorum æqualitatem plane exigit; nec considerat an Rex quis sit vel subditus, diues vel pauper, sed vult, contrahentes ultro citroque æqualiter obligari,

ri, ne contractus ex altera parte claudicent. *fac. l. cum Emor. s. D. de rescind. vendit. L. Labeo 19. D. de V. S. Wessemb. paratit. l. D. de Constit. Princip. n. 26.* ubi dicit, Principem instar Priuatorum ex contractibus teneri, etiam quando cum subditis contrahit. Quo in loco *Bachov. in not.* statuit, ab objecto totam rem dependere, Rem enim omni dubitatione carere, si de re Principis quaeratur Patrimoniali; sed si negotium & causa concernat statuta & Jura publica, non sine ratione quaeri posse, an subditi sint habiles personæ, quæ cum Principe contrahere possint, & an Princeps stare conuentis teneatur, præprimis, si hæc aliqua ratione fuerint Principi à populo, arma & defectionem minitante, extorta?

XV

Si igitur de Restitutione aduersus contractus, cum subditis initos dicendum, necesse omnino est, ut de validitate contractuum constet, qui, si non obligarent, nulla opus haberent restitutione; Fundamentum nostrum esto, Principem Legibus viuere, sed publicis, maxime ea, quæ suprema est, sc. Populi salute, qua periclitante, uti Dominus est rerum priuatarum eminenter, iisque uti potest ad publicam rem, ita & multo magis restituet se, si contractu suo Rempublicam læsisse diceretur: sed nos mouemus pedem.

XVI.

In pacationibus tamen pacis etiam si alteri parti da-

ris mali vitandi causa suscipiuntur, exuere naturam damni & in lucro deputari. 3. *Licet inter priuatos amicitia & societas ad successores non transeant, juris tamen publici aliam esse rationem, quia populus semper idem censetur.*

XVII.

An Principes Imperij iure minorum restituendi veniant, disputatur in utramque partem in consultatione Camerali, quæ est apud Klokium XXX. à pr. usque ad n. 7. & n. 131. usque ad 134. subscribere placet affirmatiuæ.

XVIII.

Quæri etiam potest, an *Principes Sacri Romani Imperij Electores per priuilegium Aurea Bullæ cap. 13. pro restitutis in integrum ipso jure contra omnia priuilegia ipsos ladentia haberi debeant*? Ita dicendum videtur, si præsertim sententia declaratoria accesserit. idque propter verborum perspicuitatem, asseuerationem, cumulationem. Nana, an potuerit Imperator Carolus hoc facere, dubitare cum *Carpzouio* (de L. Reg. c. 3. sect. 14. §. 24.) non audeo: cum præsertim querelam hæc de re motam non legamus, & hæc lex lata sit in præsentia omnis generis ordinum in solenni Curia. Accedit quod Commentatores, difficultatem, quam mouent, ipsi soluunt, & ad extremum fatentur, Imperatorem & Antecessorum & Successorum suorum priuilegiis, etiã quæ vulgo irrevocabilia habentur, derogare ex causa utilitatis publicæ posse. Sicuti videre licet apud *Arumæum*, & *Rümelinum*, *Mylerumq.* ad c. d. A. B. Quin autem Carolus Legislator existimauerit, ad summam rem publicam pertinere, Electorum priuilegia esse quàm munitissima, nemo dubitabit, qui institutum legislationis totius A. B. & consilium Imperatoris expenderit.

XIX.

Grauiſſima omnium quaſtio eſt de Legatis & inter-
nuntiis, ſi Rex dicat: *ſe aliter & aliamandaſſe, legatos
autem terminos mandati egreſſos eſſe, atque adeo ſe non teneri
eorum facto, ſed potius reſtitutioni in integrum repertam
apertamque eſſe viam.* Conqueretur altera pars & dicet:
*Legatus attulit literas fidem facientes, quas credentiales ap-
pellant, igitur bona fides requirit, ut facto ejus obligetur Rex
mittens, qui obligari ſe velle iis, quae legatus egerit, ſemel
profeſſus eſt. Si quid ſecretius & in arcano mandauit, id ſi-
cut extra ſcientiam ejus, ad quem miſſus eſt verſatur, ita
fraudi ei eſſe nec poteſt nec debet. Regis mittentis aduerſus
legatum à ſe miſſum illa quaſtio eſt ſeorsim: nec rumpendis
conuentis adhiberi poteſt. Iure communi inter humanas
gentes receptum eſſe, ut qui praepoſitus eſt negotiis obliget pra-
ponentem ex instrumento generali; etiam ſi fecerit contra vo-
luntatem praeponentis ſibi ſoli ſignificatam. vid. Grotius
de I. B. lib. 2. c. 11. §. 12.*

XX.

Excipiet Rex qui miſit legatum: *mandatariorum de-
lictis, mandantibus laſionem contrahi, citra reſtitutionem in
integrum, omni ano iniquum habitum, & legiſlatione ple-
rarumque gentium ciuili vetitum. Mali exempli & publi-
ce noxij eſſe, ſi Regnorum & Rerum publicarum ſalus à mini-
ſtrorum, qui varie corrumpi poſſint, fide ſuſpendatur. In his
angustiis nunquam reductos eſſe Reges, neg. redigi poſſe. Ibi
laſio euident, ibi reſtitutio: non tam ex jure Iuſtiniano, quan-*

Catholico discedens, per Galliam iter destinasset & facultatem petiisset ac impetrasset pacificandi cum Rege Galliarum Ludouico XII. rem eo deduxit, ut compositis pacis conditionibus, omnia lætitiâ complerentur, & tam à Rege Galliarum quàm ab ipso Philippo mitteretur ad utrumque exercitum Gallicum & Hispanicum, qui in Regno Neapolitano castra castris opposita habebant, ut ab armis cessaretur pace jam confecta. Non paret Dux Hispanus, Gonsalvus: causatus, se inconsulto Rege Ferdinando, hoc rerum articulo arma ponere non posse: qui & mox clade memorabili Gallos affecit, & Neapoli denique exegit. Hinc querela Regis Galliarum, qui se delusum suspicabatur, ipsiusque Philippi cum Soceris expostulatio per literas. Noluit enim ex Gallia discedere, donec hæc ignominia suo nomini, ut existimabat, facta deleteretur, & publicè patefieret, quod omnia bona fide & serio egisset. Quæ spes cum frustra habuit. Ferdinandus enim Catholicus testabatur, Philippum excessisse terminos mandati, igitur negotiatione eius nequaquam se obligari, sed omnia sibi esse integra, idque ut demonstrarent, alios legatos misit in Galliam, qui tamen hætenus tantum admissi sunt, ut præsentem Rege Galliarum, Philippus cum ipsis, & ipsi cum Philippo expostularent. Vnde Philippi ex hac contentione in morbum relapsi innocentia patuit. Vltior autem de pace negotiatio, legatis intra triduum Gallia excedere iussis, non accepta est.

XXII.

Non acquieverit sanè aliquis *Petri Martyris de Angleria*, viri cetera grauis & prudentis, qui tum in aula Hispanica erat, iudicio, qui ita refert *lib. 16. Epist. 257.* Galli se fuisse à nostris oppressos sub pacis umbra, quam dicunt jecisse Regio nomine Philippum, Generum Regium & Archiducem
Lugdun.

Lugduni, cum Rege Gallorum, & voce praconum edicto per Lugdunenses plateas prolato, conqueruntur. Nostri sermones eorum derident. futilia namq. nulliusq. momenti esse ad rem, quod Lugduni per Philippum de pace fuerit actum, & tunc praecipue, quando Hispanos esse in armis ad propulsandas veteres Gallorum injurias paratos cerneret. Imparatos autem ajunt Galli se fuisse ab Hispanis interceptos, paratissimos autem nostros exilisse ac manus conservisse collatis signis. Nec quicquam quod ad infestissimos hostes attineat praetermisisse Gallos, nostri probant: sub induciarum aut pacis umbra, an viuo Marte id acciderit, ipsi viderint. Exitus, qui judex est rerum aeternus, loquatur. Hæc dixisse, inquam, non suffecerit.

XXII.

Cæterum à doli suspicione Ferdinandum Catholicum Regem sedulo purgat ipsa mandatorum Philippo datorum formula, *Angusta* scilicet, & quam transilire nefas esset, ut annotat, *Ioannes Mariana Histor. Hispan. lib. 27. c. 19.* Nam & ab initio plane recusaverat Philippo petenti facultatem pacificandi, si fortè Rex Gallus æquam videretur appetere. Neque enim satis fidebat genero, ex notis discordiis & multo minus ejus aulicis. Digresso autem Philippo statim formulam perscriptam submisit per Bernardum Builium Abbatem, qui etiam cum tractatio incepta esset, Principem monuit, ne excederet mandata, ni irrita fieri vellet, quæcunque agerentur. Philippi mirabilem confidentiam miratur *Mariana*. Ille autem dicebat, se secutum prima mandata generalia scilicet sub-

rum haberi, & eandem authorisatem obtinere debeant? quam affirmativè Jurisconsulti Hispani definiuerunt. Rectè ut arbitror. Et, quæ est negotiorum humanorum fragilitas, Regem Catholicum stricto jure utentem, arduum fuerit accusare: Philippo, qui nimia fiducia, nulla fraude aut calliditate rem gessit, lubenter quiuis ignoscendum ducat; Rex Galliæ certè innoxium non credidit tantum, sed ipsis prope manibus palpauit. Gonsaluum Fernandum facilè excusant mandata quæ à Rege suo habuit accuratissima. Videatur *Pontus Henterus Histor. Austr. lib. 6. cap. 5.* & *Speculum Honorii Austriaci Fuggerianum* p. 1141. & *Gerardus de Roo*, qui nullum partium studium ostendit *Histor. Austr. Lib. 11.* Cumque suspicionibus in re tanta & inter tantos acta locus esse nequeat, quantum ex Historia & negotii circumstantiis intelligi potest, hoc est rarissimum exemplum, ubi nihil ex ullâ parte, calumniæ quod agat, relictum est.

XXIV.

Possitne restitutioni locus esse, etiam in enormissimâ læsione, si juramentum interuenerit, quæri solet? Equidem sanctitas jurisjurandi magna religione conseruanda est, in quantum fieri potest. Quare & hic in negatiuam plurimi eunt, quos consignat *Vasquius Controv. Illust. l. 1. c. 2. §. 17.* Quia tamen juramentum non debet esse vinculum iniquitatis, neq; bonis moribus contraria firmare, etiam in alteram partem non desunt auctoritates, ita ut hic, *communis contra communem* laudetur *ibidem*. Cum temperamento; *ut nimirum petatur relaxatio juramenti, & ad eam pars citetur. ibid.* videatur omnino *D. Ioh. Petr. de Ferrarys de rest. in integ. p. 195. & 196. Tom. 3. Tractatum de rest. in integ. D. Io. Mauric. de rest. in integ. Cap. 121. Tom. 1.*